

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Botoxi kontrabandë fryhet për “Gremi Wellness” dhe shfryhet për “Keit”, si u mbyll dosja për doktorin e VI P-ave, Skerdi Faria! - REPORT.AL
ADRESA	https://report.al/botoxi-kontrabande-fryhet-per-gremi-wellness-dhe-shfryhet-per-keit-si-u-mbyll-dosja-per-doktorin-e-vip-ave-skerdi-faria/
BURIMI	report.al
GJENDJA	online

KOHA


KAPUR NGA NE	17 shtator 2026, 11:50:54 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	17 shtator 2026, 11:39:30 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	9e96400d86eb9f575a821d7c056e51bf4706ca223545bf933cd23d95925e486e
TEKSTI	2fceed2e70355b3159213826b95c61b794aab3d3d57696741931ed56a521160a
PAMJA	c8171dc074673496487a841a0ac2d2ff8b16ee8afe448c1368eb6df7046a4668

ZINXHIRI I PROVËS

KJO HYRJE	65a5b1527b15ae3672abe338e67faa945846f9415c450bca020f008a2c5ab19f
E MËPARSHMJA	—
RRËNJA MERKLE	e203f033d074a2d3c42a790e4ddfadf0e6c8e1c0300d49c3347be227adaa7f43
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/65a5b1527b15ae3672abe338e67faa945846f9415c450bca020f008a2c5ab19f>

PAMJA E FAQES


Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px

Home Aktualitet

Botoxi kontrabandë fryhet për “Gremi Wellness” dhe shfryhet për “Keit”, si u mbyll dosja për doktorin e VIP-ave, Skerdi Faria!

by editor — September 17, 2026 in Aktualitet, Kronikë, Kryesore

0
SHARES

Share on Facebook

X Share on Twitter

Biznesmeni **Dritan Gremi** dhe shoqëria “Gremi Wellness” janë marrë të pandehur në kuadër të dosjes së botoksit kontrabandë, një hetim që lidhet me operacionin “Botulinum Toxin”, të zhvilluar nga autoritetet shqiptare në tetor 2024.

Gremi dhe kompania që ai administron dyshohen se kanë futur në Shqipëri produkte “Botox” me princip aktiv Botulinum toxin, të cilat nuk dispononin autorizim për tregtim në vend.

Çështja ndodhet aktualisht në fazën e seancës paraprake në Gjykatën e Tiranës, ndërsa seanca e radhës është planifikuar për 22 shtator 2026.

Në kuadër të hetimit janë marrë në shqyrtim edhe pajisje mjekësore të pacertifikuara, të konstatuara gjatë kontrolleve në ambientet e “Gremi Clinic”.

Hetimi nisi pas operacionit “Botulinum Toxin”, gjatë të cilit autoritetet kryen kontrolle në rreth 30 klinika estetike dhe parukeri në Tiranë, nën dyshimet se në këto ambiente përdorej botoks i paregjistruar dhe i paautorizuar për tregtim në Shqipëri.

Gjatë kontrolleve u sekuestruan produkte që përmbanin toksinë botulinike, ndërsa hetuesit u përqendruan edhe te mënyra e furnizimit dhe shpërndarjes së produkteve në klinikat estetike.

Në fazat e para të operacionit, në kërkim u shpallën tre persona, mes tyre edhe mjeku Skerdi Faria, administrator i klinikës “Keit”, i dyshuar në atë kohë për përfshirje në aktivitetin e lidhur me përdorimin e botoksit të paregjistruar.

Pas zhvillimit të hetimit, sipas të dhënave të bëra publike, çështja ndaj Farias është pushuar, duke mos u përballur tashmë me akuzat në këtë dosje, shkruan [joq](#).

Pas afro dy vitesh nga operacioni i vitit 2024, procedimi ka vijuar me marrjen të pandehur të Dritan Gremi dhe “Gremi Wellness”, ndërsa për Skerdi Faria procedimi është mbyllur me pushim të çështjes.

Gremi ka deklaruar hapur se në biznesin e tij nuk tregtohej botox, dhe kjo u vertetua edhe nga kontrolli i 1600 dosjeve.

E megjithatë ai sot përballlet me akuzën “Tregtimi dhe transportimi i mallrave që janë kontrabandë”, edhe pse në biznesin e tij nuk u gjet asnjë gram botox.

TË FUNDIT

Botoxi kontrabandë fryhet për “Gremi Wellness” dhe shfryhet për “Keit”, si u mbyll dosja për doktorin e VIP-ave, Skerdi Faria!

SEPTEMBER 17, 2026

“O e sjell, o jap dorëheqjen!” Ministrja e re sfidon Kuvendin me premtimin për PET-Scan në Onkologjik

SEPTEMBER 17, 2026

Tensione në protestë, protestuesit përmbysin kazanët e mbeturinave në rrugë!

SEPTEMBER 17, 2026

Dënimi i ish-krerëve të UÇK-së/ Deputetja: Më penguan të flas në Kuvend, shteti shqiptar ka heshtur

SEPTEMBER 17, 2026

“Urime për look-un e ri!” Deputeti ironizon Zegjine Çaushin, ajo ‘shpërthen’: Psikopat

SEPTEMBER 17, 2026

Tensionet në protestë/ Protestuesit heqin gardhin metalik para Ministrisë së Brendshme

SEPTEMBER 17, 2026

Shqipëria me ujë “me turne”/ Vetëm Lezha arrin 24 orë, Kamza mbetet në 4 orë

SEPTEMBER 17, 2026

Përshkallëzon protesta jashtë Kuvendit/ Qytetarët godasin me vezë efektivët e policisë, arrestohet një person

SEPTEMBER 17, 2026

PD kërkoj heqjen nga rendi i ditës, PS rrëzon kërkesën për projektligjin e magjistratëve

SEPTEMBER 17, 2026

Të rinjtë u lënë vendin të moshuarve! Punësimi i pensionistëve dyfishohet në tre vjet

SEPTEMBER 17, 2026

Ndërkohë ai sqaron se gjatë këtij aksioni në klinika të tjera janë gjetur dhe sekuestruar sasi botoksi, por persona të tjerë nuk janë dërguar për gjykim

Reagimi i plotë i Dritan Gremit dhe "Gremi Wellness":

Dy fjale për lajmin e qarkulluar sot në media

E gjithë kjo histori nisi sepse nuk pranova t'i nënshtrohesha presionit të një OPGJ-je të Prokurorisë së Tiranës dhe një prokurori që e mbështeste, në kuadër të një hetimi për tregtimin e botoksit në Tiranë.

Pasi denoncova publikisht mënyrën se si, sipas meje, ishte vepruar ndaj meje dhe biznesit tim, ajo që pasoi më krijoi bindjen se po përballesha edhe me pasojat e faktit që kisha zgjedhur të mos heshtja.

Biznesi im nuk tregtonte botoks. As atëherë, as sot.

Gjatë kontrollit u thirrën rreth 10 efektivë të "Shqiponjave", pasi OPGJ-të pretenduan se ishin ndier nën presion nga dy vajza të stafit tim.

U kërkua gjithashtu login-i dhe aksesit në databazën e klinikës. Sipas dokumentacionit që disponoj, kjo nuk ishte objekt i kontrollit dhe nuk kishte autorizim gjyqësor. Ligjshmërinë e këtij veprimi e kam kundërshtuar që atëherë.

U morën dhe u kontrolluan rreth 1,600 dosje pacientësh.

Dhe pas gjithë këtij kontrolli, sa botoks u gjet në biznesin tim?

ZERO. As edhe një gram.

Nga rreth 1,600 dosje u evidentuan 11 persona, kryesisht miq të mi, të trajtuar falas.

Kam deklaruar që në fillim se nuk jam marrë me blerjen, sigurimin apo tregtimin e botoksit, nuk kam ditur ku blihej, nga kush sigurohej apo sa kushtonte dhe nuk kam pasur interes ekonomik nga këto trajtime.

Megjithatë, sot përballim edhe me akuzën sipas nenit 178 të Kodit Penal – "Tregtimi dhe transportimi i mallrave që janë kontrabandë".

Ligji parashikon tregtimin, tjetërsimin ose transportimin e mallrave për të cilat dihet se janë kontrabandë.

Prandaj pyetjet e mia juridike janë shumë konkrete:

Cili është mall i kontrabandë që pretendohet se kam tregtuar?

Ku është gjetur?

Cila është prova që unë e kam tregtuar, tjetërsuar apo transportuar?

Dhe cila është prova që unë e di se ky mall ishte kontrabandë?

Në biznesin tim, sipas akteve që disponoj, nuk u gjet dhe nuk u sekuestrua asnjë gram botoks.

Por ka edhe një pyetje tjetër që meriton përgjigje.

Nëse gjatë të njëjtit hetimi, siç rezulton nga informacioni që disponoj, në subjekte të tjera janë gjetur dhe sekuestruar sasi botoksi, por persona të tjerë nuk janë dërguar për gjykim, ndërsa unë përballim me këtë akuzë edhe pse në biznesin tim nuk u gjet botoks, atëherë kam të drejtë të pyes:

Cili është shpjegimi juridik për këtë diferencë? Nëse ekziston një shpjegim ligjor, jam i pari që dua ta dëgjoj.

Sepse ligji duhet të zbatohet njësoj për të gjithë.

Këtë histori nuk po e denoncoj sot sepse doli në media. E kam denoncuar publikisht që në fillim dhe vazhdoj ta mbroj qëndrimin tim përmes rrugëve ligjore.

Për gazetarin që publikoi lajmin: mendoj se ke gabuar.

Kjo çështje është e hapur që prej dhjetorit 2025. Nuk ka lindur sot, dje apo javën e kaluar. Megjithatë, ti zgjedhe ta publikosh vetëm pak ditë përpara seancës së parë gjyqësore, me një titull që e paraqiste "futjen e botoksit kontrabandë" sikur të ishte një fakt tashmë i provuar.

Një akuzë nuk është fajësia. Fajësinë e vendos gjykata.

Për mua, koha e publikimit ngrë një pyetje të ligjshme:

Pse pikërisht tani? Nuk e di nga ka ardhur informacioni dhe nuk dua të paragjykoj motivin. Por një gazetar kronike e di shumë mirë peshën që ka një akuzë penale dhe dëmin që mund të shkaktojë kur paraqitet publikisht si fakt i provuar përpara se të ketë folur gjykata.

Dhe po ta them edhe për një arsye tjetër: kur ti vetë ke pretenduar publikisht se ndaj teje është bërë padrejtësi, edhe pa të njohur personalisht, ke pasur solidaritetin tim.

Prandaj besoj se figura e gazetarit duhet mbrojtur, por mbrohet mbi të gjitha me profesionalizëm, verifikim dhe respekt për prezumimin e pafajësisë.

Pas sqarimit tim, të gjitha mediat që e kishin publikuar lajmin e hoqën atë. I falënderoj publikisht drejtuesit

e tyre për profesionalizmin dhe përgjegjshmërinë.

Dhe dy fjalë për drejtësinë.

Jam plotësisht dakord që prokurorët, gjyqtarët dhe OPGJ-të të kenë paga të larta dhe dinjitoze. Përgjegjësia që mbajnë është e jashtëzakonshme dhe profesionistët e ndershëm duhet të paguhet mirë dhe të kenë mbështetjen e shoqërisë.

Por paga, autoriteti dhe pushteti që jep ligji duhet të shoqërohen edhe me përgjegjësi të lartë për mënyrën se si ushtrohet detyra.

Nëse institucionet kompetente provojnë se dikush ka abuzuar me detyrën, ai nuk duhet të dëmtojë me sjelljen e tij figurën e qindra prokurorëve, gjyqtarëve dhe punonjësve të drejtësisë që e bëjnë punën me ndershmëri.


Kam respekt maksimal për njerëzit e drejtësisë që zbatojnë ligjin me integritet. Por respekti për drejtësinë nuk do të thotë të heshtësh kur mendon se ndaj teje është vepruar padrejtësisht.

Unë nuk heshta atëherë dhe nuk kam ndërmend të hesht sot./Voxnews

Tags: Dritan Gremi shoqëria "Gremi Wellness"

Previous Post

"O e sjell, o jap dorëheqjen"! Ministria e re
sfidon Kuvendin me premtimin për PET-Scan
në Onkologjik



editor

report.al


REPORT.AL

Portali report.al është një media online e pavarur që sjell lajme, analiza dhe informacione të sakta në kohë reale. Me fokus tek transparencia dhe vërtetësia, portali synon t'u ofrojë lexuesve shqiptarë një burim të besueshëm lajmesh nga politika, ekonomia, shoqëria dhe ngjarjet ndërkombëtare.

RUBRIKAT

Aktualitet
OP-ED
Politike
Rajon
Showbiz
Sociale
Shëndet
Sport

MË TË KLIKUARAT



E rëndë, elektrikisti që humbi jetën
gjatë punës në Belsh nuk kishte
asnjë mjet mbrojtës

01

0 SHARES



Parandalohet ngjarja e rëndë në Rogozhinë,
arrestohet i riu që kanosi me kallashnikov 35-
vjeçarin

0 SHARES



Skandali/ Policia rrugore shoqëron kamionët e
Alesios në orarin e ndalimit të qarkullimit

0 SHARES